

Series osatzen duten kapituluak

Dantzak -1 -

Dantzak -2 -

Unorea -1 -

Unorea -2 -

Navarriak -1 -

Navarriak -2 -

Amodiozko kantakigunak -1 -

Amodiozko kantakigunak -2 -

Ezkerria

Mateari

Batzkariak

Herriak



Kanta bilduma txikia

Unorea -1 -

HEZKUNTZA, UNIBERTSITATE  
ETA IKERKETA SAILAREN  
INGUNITZAZ EGINA,  
EIMR Programa 1996.

## AURKEZPENA

*Skanta bilduma txikia* bideo seriea aurkezteko Andoni Egañak Jose Inazio Ansorenaren "Euskal kantak" liburuari egiten dion hitzaurretik esaldi batzuk hona aldatuko ditut:

(...)

"Ze polita den bat altutik beste bajutik edo hango hura ez altutik ez bajutik, letran zer datorren asmatuaz, aldamenekoari belarria itsatsiz... kantuan jardutea!"

(...)

"Herr-kantak dira herri honen biziera eta sentieraren ispilurik onena. Eta euskaldunok, geure zorionerako, ehundaka, milaka, herri-kanta ditugu. Askotan, ez dakigu nork eginak diren. Ez dakigu letra zehatz-mehatz nola den, edo jakin arren zer esaten ari garen ez dakigula kantatzen ditugu. Ondo gureak dira halere!"

Hauxe litzateke bideo seriearen helburu nagusia. Euskal kanta herrikoiak hamabi eta hamasei urte arteko ikasleei erakustea eta beren arteko bilkuretan kanta ditzaten aholkatzea.

Kantatzearen ludikotasunaz baliatuta, beste hiru helburu didaktiko bete nahi dira:

### IRIZPIDE NAUSIAK

Serie honetan erakusten diren kantak aukeratzean hainbat irizpide izan ditugu kontuan. Hona hemen kontuan izan ditugun irizpideak zerrendatuta:

**HIZKUNTZA**  
Ikasleek eskolaurrean eta OHOKo lehen kurtsuetan kantuz ikasten dute. Helduen eskalduntze prozesuan aritu izan garenok, ongi baino hobeto dakigu, zein emaitza onak lortzen diren kanten bidez.  
Orduan, zergatik ez erabili gure kantak DBHn hizkuntzaren irakaskuntzaren osagarri gisa?

### LITERATURA

Euskal ahozko literatura benetan aberatsa da. Bai kalitatearen aldetik, bai gure literaturaren historiaren berri ematen digulako. Azken bi, hiru hamarkadetan, euskal kantarietarako antzinarako poesia hori edozein musika dendatan aurki dezakegu. Haiengatik izan ez balitz, agian, galdurik izango genuke.

### MUSIKA

Bideo seriean erakusten diren kanten melodiak oso sinpleak direnez, musikaren oinarritzko arauak ikasteko baliogarriak dira. Besteak beste, musikaren munduan erabiltzen diren hiztegi eta zeinuak, erritmoak, eskalak etab.

- 1.- Mozkorra edota alkohola edatea goraiipatzen duten kantak baztertea.
- 2.- Emakume, kultura edo arrazen aurkako ajpamen iraingarriak dituzten kantak baztertea.
- 3.- Kanta oso ezagunak hain ezagunak ez direnekin tartekatzea.
- 4.- Lagun artean kantatzeko abagunea eskaintzen duten doinuak hobestea.
- 5.- Belarriarentzat oso arrotz gertatzen ez badira batipat, doinu herrikiak erakustea.
- 6.- Artazuriketak deritzen kantak ere kanpoan utzi beharrean gara.
- 7.- Errolda, eliz eta haur kantak alboratzea, beste serie batosatzeko beste ematen baitute.

Horrela eratuako galbahetik kanta guztiak pasatu ondoren, kantarietarako hitz egin dugu eta hamaika kanta baztertu behar izan ditugu ez daudelako harmonizaturik.

## MUSIKA

Adierazpen artistiko gisa, musikak **perzeptziozko** eta **adierazpenezko** alde bikoitza du.

**Perzeptziozko** eremuaren baitan zenbait gaitasun garatu beharko da:

—Entzute akliboa, kualitate musikalak bereizteko.

—Musikaren esanahia arretaz entzutea, musika lanen elementuen arteko erlazioa igertzeko.

—Guztizko memoria, soinu esperientziak gogoratu eta oroiarazteko.

Gaitasun hauen garapena ikasleen esperientzia musikalen aberastasunaz baldintzatuta dago.

**Adierazpenezko** gaitasuna soinuen bitartez beren sentimenduak adieraztea ahalbidetzeko.

—Ahotsa, kantaren jarduera musikalera eramaten gaituen berezko tresna da eta musika heziketan adierazpen gaitasunak garatzeko oinarritzko elementua, musika tresrekin batera.

—Inprobisazioak elementu garrantzitsua izan beharke du ahots, gorputzezko edo instrumentuzko soinuen mundua libreki esploratzeko baliabide gisa.

—Adierazpen artistiko orok kode edo adierazpen lengoia bat behar du. Musikaren errealitatean sartzeko beharrezkoa izango da kode hau ezagutzea.

—Musika soinuen konbinazioen bitartez adierazten da. Lengoaia honen sakontasun eta eskurapenak ikasleei musika obraren estetika ulertzea ahalbideratuko die.

### Helburu orokorrak

- 1.- Ahotsa erabiliz eta bere ideiak eta sentimenduak adieraztea.
- 2.- Musika lanak sorkuntza artistiko eta ondare kulturalako adibide bezala aztertzea.
- 3.- Musika ezagutzeko eta hartaz gozatzeko iturri desberdinak autonomiaz erabiltzea.
- 4.- Jarduera musikalean parte hartuz, besteen ekarpenez sortutako aberastasunaz jabetzea.

### Edukiak

#### 2. *Multzoa: adierazpena eta komunikazioa*

##### A) Kontzeptuzko edukiak

—Ahotsen sailkapena.

—Eritimoa, melodia, harmonia, literariotasuna eta interpretazioa.

—Abesti motak eta ezaugarriak. Tradiziozko euskal kanta. Errepetorioa.

##### B) Prozedurazko edukiak

—Erlazioa, amasketa, artikulazioa, erresonantzia eta intonazioa.

—Giza ahotsak bere tinbrearen arabera. Ahots taldeak.

—Melodikoa, testu eta eskema eritmikoen gainean, eta alderantziz.

—Melodikoa eskema harmonikoen gainean.

—Abestien eskema formalaren analisia: esaldiak, kopia leioa, erreplikapenak.

### C) Jarrazko edukialk

- 1.- Ahoz teknika baloratu norberaren ahotsa menderatzeko oinarri gisa.
  - 2.- Banakako nahiz taldeko ahozko improbisazioak balioetsi eta horietaz gozatzea.
  - 3.- Kantu interpretazioa baloratzea eta besteen aurrean irekia izatea erlazioa sustatzeko.
  - 4.- Taldean gustora parte hartzea, ideia aurkeztuz eta taldearen hobekuntza bultzatuz.
  - 5.- Interpretazioen aurrean sentikortasuna eta jarrera kritikoa agertzea.
  - 6.- Edozein nazioko folkloreko abestiak errespetatu eta baloratzea.
- ### Ebaluaziorako irizpideak
- 1.- Taldeko kantu jardueretan parte hartzea, norberaren adierazpen eta intonazioa taldearen soinua mallari egokituz.
  - 2.- Gelako musika jardueren testuinguruan musika irakurtzea, interpretazio eta entzute zereginen euskarri gisa.
  - 3.- Ahoz abesti sinple eta melodia laburrak laguntzea, tonika, dominante eta subdominante graduak behar bezala erabiltz.

## HIZKUNTZA ETA LITERATURA

"Derrigorrezko Bigarren Hezkuntzan Hizkuntza eta Literaturaren azken helburua ikasleek hizkuntzaren oinarriko ondoko lau trebetasunen menderapen pertsonalean aurrera egitea da: entzutea, hitz egitea, irakurtzea eta idaztea. Ekintza pedagogikoa gaitasun hauek finkatzera zuzenduta egongo da eta sakortasunean hedatzera, hizkuntzaren erabilera funtzionala bultzatuz, ahozkoa nahiz idatzizkoa, hau da, hizkuntza komunikazio eta irudikapen tresna eraginkor gisa erabiltzea."

### Helburu orokorrak

- 1.- Ahozko eta idatzizko berbaldiak ulertzea, beren helburu desberdinak eta ekoizten diren komunikazio egoerak antzemanaz.
- 2.- Euskal Herriko euskalkiak ezagutu eta baloratzea, estereotipo soziolinguistikoak gaindituz eta elkar ukitzen direnean sortarazten dituzten arazoak kontuan hartuz.
- 3.- Poesiaren irakurketa eta idazkera komunikazio era eta kultur aberaste iturri gisa baloratu eta haietatik ateratako elekinaz balliatu eta gozatu.
- 4.- Literatur testuak eta asmo literarioa duten ahozko nahiz idatzizko testuak interpretatu eta ekoiztea, jarrera personal kritiko eta sortzaileetatik abiatuta.

## Edukiak

### 2. multzoa: *hizkuntza literaturan*

Multzo honen oinarriko helburua, garai eta toki guztietako literatur testuen irakurketan oinarritutako ulermena da. Irakurketa gozamenerako sustatzeak ulermena eta adierazpenaren garapena dakar, eta irakurketa dokumentazio eta azterketarako urratsa izatea ahalbidetzen du.

#### **Kontzeptuzko edukiak:**

- Testu plana testuaren egitura globala bezala.
- Kohesio prozedurak.
- Testuaren ortografia: paragrafoko banaketa.
- Erima, bertsoaren lerro kopurua, lerro bakoitzaren silaba kopurua.
- Bertsoaren doinua irakurtzerakoan. Espresioa.
- Irudi linguistikoak, metaforak, alderakuntzak.

#### **Prozedurazko edukiak**

#### ***Ahoko eta idatzizko testuak ulertzeko prozedurak***

- Irakurketa autonomoa atsegin eta aberaste kulturalaren iturri bezala.
- Prosa eta poesiazko testuen irakurketa espresiboa.
- Testuen gaia identifikatzea.

#### ***Ahoko eta idatzizko testuak ekoizteko prozedurak.***

- Testu batean garatu behar den edukia ren plangintza burutu.
- Koherezia, gramatika eta ortografia arauak eta aurkezpen argia kontutuan hartu
- Norberaren ekoizpenen berrikuspen, ebaluzio eta zuzenketa sistematikoa.

#### **Jarrerazko edukiak**

- Testu baten aurrean eman daitezkeen interpretazio desberdinez jabetzea.
- Norberak idatzitako testuen gainbegiratzeak duen garrantzia baloratzea.
- Testu idatzia menperatzeak duen garrantzi soziala eta pertsonalaz jabetzea.
- Arraza, klase eta sexuzko aurreiritziak dararantzaten erabilera linguistikoan aurrean jarrera kritikoa garatzea.

## Ebaluaziorako irizpideak

- 1.- Ikasleari interesatzen zaion literatura testu bat bere osotasunean irakurri ondoren, zein testu motakoa den identifikatzea, oinarritzko egitura elementu nahiz estilozko errekurtsuak ezagutzuz eta gehien edo gutxien maitatzen diren alderdiei buruz irizki pertsonal bat emanaz.
- 2.- Norberaren ideia eta esperientziak asmo literarioa duten testuak ekoizteko erabiltzea, gelan landutako literatura lanak eredutzat hartuz.

3.- Hizkuntzaren mekanismo eta bere elementu formalei buruz (egokitzapen markak, testu egiturak, kohesio prozedurak, perpausen egitura, hitzen eraketa, irudi linguistikoak, erinak, doinua etab.) hausnartzea, besteen testuak ulertzeko eta norberarenak gainbegiratu eta hobetzeko gai izatearren.

4.- Irakurritako testuan euskalkien arteko ukipen fenomenoak identifikatu, lokalizatu eta deskribatzea, errealitate eleaniizluna adierazpen soziokultural gisa errespetatuz.

## *3<sup>er</sup> Kantua Bilumna txikia nola erabili*

*3<sup>er</sup> Kantua Bilumna txikia* klasean erabiltzeko proposamen bat egingo dugu jarraian. Arestian esan dugun bezala bere helburu nagusia ikasleengan lagun artean kantatzeko ohitura piztea, edo, hainbat kasutan, agian, berpiztea da.

Ezertan hasi aurretik bideoaren atalen berrizatea komeni da. Bideoan bizpahiru kanta daude eta bakoitzaren lanketa honako atal hauez osatzen da:

- 1.- Aurkezleak kantaren egileari edo hitzen gaiari buruzko aipamen laburra egiten du.
- 2.- Errotulu bitartez kantaren ahapaldi bat edo biren hitzak pantailaratzten dira eta aurkezleak haietara buruzko aipamenak egingo ditu edo aipatzekorik ez dutenak irakurri egingo ditu.
- 3.- Kantariak hitzei dagokien oinarritzko melodia kantatu egingo du.
- 4.- Ondoren melodia bera baina modu softeatuan (DO-RE-MI eran) kantatuko du.
- 5.- Aurkezleak abesbatzak kantatuko duen bertsioari buruzko aipamen laburra egingo du.

**Hizkuntza eta Literatura  
ematen duen irakasleari proposamena:**

Lehenbiziko lana Musika ematen duen irakaslearekin harremanetan jarri eta, bion artean, bideo bat aukeratzea izango da.

Ondoren bideoa martxan jarriko dugu, eta kantaren lehen bi atalak ikusiko ditugu.

Bideoa ikusita, irakasleak kantaren bertso guztiak banatuko dizkie ikasleei.

Hau eginda honako urratsok proposatzen dira:

—Ikasleak taldetan banatu eta olerkia irakur dezatela esango diegu. Ondoren, ulertzeko dituzten trabak argitutuko ditugu. Jarraian olerkiak dioenaren laburpena egin dezatela esango diegu. Irakasleak agindutako epea bukatzean, talde bakoitzak bere laburpena besteen aurrean agertuko du. Agerpenaren ostean, eztabaida bidez, laburpen adostua osatuko dute denen artean.

—Hori eginda, talde bakoitzak irakurle bana aukeratuko du, olerkia, klasearen aurrean irakurtzeko. Gainerako kideei errespetua eta isiltasuna eskatuko diegu.

—Orain olerkian agertzen diren irudi poetikoak ateratzeko eskatuko diegu.

—Jarraian, olerkiaren egitura aztertuko dugu (errima, silaba edo oin kopurua, lerro

kopurua...).

—Hurrengo urratsean olerkiaren egileaz mintzatuko gara, egilerik balu. Ez balu, ezer ez.

—Gero, olerkia egin zen garaiaz mintzatuko gara.

—Bukatzeke, bideoa berriro martxan jarriko dugu eta bosgarren atala jarrita, abesbatzarekin batera kanta kantatuko. Abesbatzak bukatzen duenean, bideoa itzaliko dugu eta ikasle eta irakasleak kantaren ahapaldi denak kantatuko dituzte.



**Musika ematen duen irakasleari proposamena:**

*Lanketarekin hasteko ikasleek musikaren oinarritzko kontzeptuak (hiztegia, partitura...) ikusita izan beharke dituzte.*

Lehenbiziko lana Hizkuntza eta Literatura ematen duen irakaslearekin harremanetan jarri eta bideo bat aukeratzea izango da.

Ondoren bideoa martxan jarri eta hirugarren eta laugarren atalak ikusiko ditugu. Alegia, oinarritzko melodiarri eta solfeoari dagozkionak.

Abestien partitura biatuko dugu gida honetan, azken orrialdean, zerrendatzen diren liburutako batean.

Ikasleak binaka jarriko ditugu. Bikote bakoitzari kantaren partitura bana emango diogu. Ikasleek hamar minutuko epea izango dute han agertzen dena irakurri eta do-re-mi erara kantariak kantatutako melodia gogoratzeke. Behar izanez gero berriro jarriko dugu bideoa.

Hamar minutuak pasatu direnean, irakasleak melodiarri buruz galde diezaiotela esango die ikasleei. Galderantzunen saio hau gauzak argi geratu arte luzatuko da. Honekin, musikari buruzko azalpen eta iritzi guztiak agertu daitezzen nahi da.

Dena argi gelditu denean, irakaslea ikasleekin aurrean jarriko da eta zuzendari papera egingo du. Ikasleak kantariak izango dira. Ikasitako

melodia, do-re-mi erara kantatuko dute denek batera bizpahiru aldiz buruz ikasi arte.

Melodia ikasia dutenean, irakasleak ikasle bikote bakoitzari kantaren lehenbiziko bertso edo ahapaldia eta, kantak leloa balu, leloa ere, emango dio. Bideoa lehen utzi duen tokitik martxan jarriko du lehen kantak irauten duen arte. Horrela, ikasleek hitzak aurrean dituztela eta pantailan abesbatza kantari eta hitzak barrenean, kanta hitzez kantatu ahal izango dute, bai pantailari begira bai beren paperei begira.

Hau guztia eginda, irakasleak kantaren ezaugarriei buruzko azalpenak egingo ditu:

Alderdi musikaletik, (tonalitatea, konpasa, lastertasuna...)

Alderdi historikotik, (zein garaitakoa den, ze musika mota ziren garai hartan, orduko musiken ezaugarriak, kantari erantsi zaiionaren erabilpena gizartean...)

Bukatzeke denen artean inprobisaziora joko dugu. Ahots berriak erantsiz oinarritzko melodiarri, instrumenturen bat sartu akonpainamendu modura... Nahi beste joko egin daitezke, beti ere klasearen helburua hautsi gabe.

## **Seria osatzeko erabili ditugun liburuak**

Resurrección María de Azkue  
"Cancionero popular vasco"  
-La Gran Enciclopedia Vasca- BI-1968

Aita Donostia  
"Cancionero general" (lau liburur dira)

Jose Inazio Ansorena  
"Euskal kantak"

*Liburu hauetan kantaren hitzekin batera musikaren partitura agertzen da.*

### **Hizkuntza eta Literatura ematen duenarentzat:**

Aita Santí Onaindia  
"Mila Euskal Olerki"  
Karmeldar idazleak. Larrea-Amorebieta 1954

Jesus Maria de Leizaola  
"Romances vascos y literatura prehistórica"  
Editorial Vasca Ekin. Buenos Aires-1959

### **Musika ematen duenarentzat:**

Jose Manterola  
"Cancionero Vasco"  
Sendoa Donostia-1981

Jorge de Riezu  
"Flor de canciones populares vascas"  
Sendoa Donostia-1982

"Mendebaldeko baladak"  
Liburua eta Ruper Ordoñak, Tapiak eta Bixente  
Martinezek oraintsu argitaratu kasetea eskura ditezke.

Salleko euskal idazleen elkartea (SEIE)  
"Herria oihuka"  
Bilbo-1977